

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 24 November, 2014 (A)

Pemegang saham perlu nyata sebab tolak pengarah



**RITA BENOY
BUSHON**

Dua pemegang saham aktif iCapital.biz Bhd, iaitu City of London dan Laxey Partners Ltd membuat percubaan kali kedua untuk menganggotai Lembaga Pengarah syarikat itu, selepas melakukan percubaan sama pada 2012, tetapi gagal.

Susulan itu, tindakan berkenaan dipercayai dibuat bagi menangani diskaun harga saham kepada nilai aset bersih iCapital.biz sebanyak antara 20 peratus hingga 29 peratus sejak beberapa tahun kebelakangan ini.

Mesyuarat agung tahunan iCapital.biz juga ditunda apabila dua pemegang saham itu memberikan proksi kepada pengerusi syarikat untuk menentang pelantikan semula pengarah bebas yang melebihi umur 70 tahun.

Ia berikutnya permohonan daripada pengurus dannya yang juga adalah pemegang saham syarikat itu, selepas mendapat kelulusan daripada pemegang saham syarikat yang hadir dan mengundi.

Amalan terbaik tadbir urus korporat menggalakkan pemegang saham, terutamanya pemegang saham institusi untuk menyatakan sebab mereka menentang pelantikan semula pengarah, lebih-lebih lagi bagi pengarah bebas.

Mengenai perkembangan terkini Penerbangan Malaysia (MAS), sebuah firma iaitu Jentayu Danaraksas telah mengemukakan pelan alternatif untuk menyelamatkan syarikat pe-

nerbangkit itu.

Usul ini nampak menarik, mengambil kira banyak percubaan untuk menyelamatkan MAS pada masa lalu namun masih gagal.

Bagaimanapun, Jentayu perlu lebih berusaha untuk menanamkan keyakinan pasaran mengenai kebolehannya melaksanakan pelan itu.

Ia perlu memberikan bantuan yang lebih terperinci mengenai pelan pembinaan MAS dan kumpulan pengurusannya.

Tanpa maklumat penting seperti ini, agak sukar bagi pasaran untuk memberikan kepercayaan terhadap kredibiliti Jentayu.

Cadangan ini perlu diambil lebih awal supaya semua pemegang saham termasuk Khazanah dan pemegang saham minoriti boleh membuat penilaian sewajarnya sebelum mesyuarat agung luar biasa untuk MAS sebagai syarikat persendirian.

Harga saham bagi TH Heavy Engineering dan Muhibbah Engineering jatuh lebih 20 peratus dalam masa singkat, baru-baru ini.

Pihak pengurusannya bagaimanapun, tidak membuat sebarang kenyataan atau siaran akhbar untuk meredakan kebimbangan atau menepis sebarang khabar angin.